

MODELI PËR DOKUMENTIN KONSULTATIV

Projektvendimi “Për miratimin e planit të veprimit 2023-2025 në zbatim të Strategjisë kundër krimit të organizuar dhe krimeve të rënda 2021-2025, të ndryshuar”

Ministria e Brendshme fton qytetarë, organizata të shoqërisë civile, ekspertë të fushës, shoqata dhe përfaqësues të tjerë të publikut të interesuar për të kontribuar përgjatë procesit të konsultimit publik, të projektvendimit “Për miratimin e planit të veprimit 2023-2025 në zbatim të Strategjisë kundër krimit të organizuar dhe krimeve të rënda 2021-2025, të ndryshuar”.

Ministria e Brendshme mirëpret:

Komente të përgjithshme publike kryesisht mbi disa nga masat kryesore të parashikuara në Planin e Veprimit 2023-2025 në zbatim të Strategjisë Kundër Krimit të Organizuar dhe Krimeve të Rënda 2021-2025, të ndryshuar, që janë si më poshtë:

- Riorganizimi i Policisë Kriminale;
- Rritja e sekuestrimeve dhe konfiskimeve i pasurive që kanë prejardhje nga veprimtari kriminale, mbështetur në hetime cilësore të thelluara;
- Rritja e bashkëpunimit mes agjencive ligjzbatuese;
- Rritja e numrit të hetimeve proaktive dhe me metoda speciale të hetimit;
- Zgjerimi i qasjes në rrjetin SIENA të DPPP dhe DPT;
- Rritja e bashkëpunimit me partnerët ndërkombëtarë si INTERPOL, EUROPOL etj.;
- Aplikimi i njëkohshëm i hetimeve financiare paralele krahas hetimit penal për veprat penale të krimit të organizuar;
- Kryerja e një vlerësimi të detajuar mbi Sistemin e Paralajmërimit të Hershëm për shkëmbimin e informacionit për substancat e reja psikotrope;
- Ngritja e seksionit të përgjimit parandalues në BKH;
- Ngritja e një sistemi analize në BKH për vlerësimin e kërcënimeve në lidhje me krimin e organizuar dhe korrupsionin, në bashkëpunim me agjencitë e tjera ligj zbatuese;
- Ngritja e procesit për hartimin e një analize kombëtare për vlerësimin kombëtar të rrezikut në lidhje me krimin e organizuar;
- Nxitja e kalimit të objekteve të konfiskuara në pronësi të njërive të qeverisjes vendore për përdorimin e tyre për qëllime sociale;
- Rritja e rasteve të hetimeve proaktive dhe hetimi i vazhdueshëm i rasteve korruptive nëpër burgje, si dhe i trajtimeve preferenciale të të burgosurve.

Kontributet tuaja do të konsiderohen përgjatë procesit të përmirësimit të mëtejshëm të projektvendimit. Ministria e Brendshme do të përmbledhë të gjitha sugjerimet dhe komentet tuaja dhe do të japë sqarime për mënyrën se si ato janë reflektuar në projektakt, edhe në rast se mendimet nuk reflektohen në projektvendim.

Kohëzgjatja e konsultimeve:

Si të përgjigjeni:

Mund të merrni pjesë në procesin e konsultimeve publike, duke dërguar komente/kontribute për projektvendimin:

- - Duke plotësuar formularin online të Regjistrisë Elektronike për projektaktin, në adresën elektronike: <http://ëëë.konsultimipublik.gov.al>.
- - Me email duke dërguar propozimet/sugjerimet tuaja në adresën e koordinatorit të konsultimit publik për Ministrinë e Brendshme Besmira Hoxha, në adresën: Besmira.Hoxha@mb.gov.al dhe specialistit Ndoj Mhilli, në adresën: Ndoj.Mhilli@mb.gov.al

Të dhënat e kontaktit të koordinatorit përkatës për konsultime publike dhe /ose të ndonjë personi tjetër të cilit i drejtohen pyetjet:

znj. Besmira Hoxha - Koordinatore e Konsultimit Publik për MB, e-mail besmira.hoxha@mb.gov.al.

z. Ndoj Mhilli – Specialist në Sektorin e Politikave për Rendin dhe Sigurinë Publike, e-mail Ndoj.Mhilli@mb.gov.al .

Datat dhe vendet e takimeve publike:

Në zbatim të urdhrit të ministrit të Brendshëm nr. 65, datë **12.05.2022** “*Për ngritjen e grupit të punës për hartimin e planit të veprimit të Strategjisë kundër Krimit të Organizuar dhe Krimeve të Rënda*”,

Takimi i parë i grupit të punës dhe pikave të kontaktit të institucioneve, për hartimin e planit të veprimit 2023-2025 në zbatim të Strategjisë kundër Krimit të Organizuar dhe Krimeve të rënda, 2021-2025 është zhvilluar më datë 21.07.2022 në ambientet e Ministrisë së Brendshme, nën koordinimin dhe kryesimin e zëvendësministrit të Brendshëm.

Gjatë procesit të hartimit të planit të veprimit, me strukturat teknike janë bërë takime edhe në muajin nëntor të vitit 2022, në Agjencinë e Administrimit të Pronave të Sekuestruara dhe Konfiskuara dhe në Policinë e Shtetit.

Sfondi i propozimit legjislativ

Plani i Veprimit përbën dokumentin më të rëndësishëm politik dhe strategjik të vendit në fushën e krimit të organizuar. Ky dokument është vazhdim i përpjekjeve dhe objektivave të parashikuara në Strategjinë kundër Krimit të Organizuar dhe Krimeve të Rënda 2021-2025, të ndryshuar.

Miratimi i këtij projekt-akti është diktuar nga nevoja e përfundimit të afatit të zbatimit të Planit të Veprimit 2021-2022 të Strategjisë kundër Krimit të Organizuar dhe Krimeve të Rënda 2021-2025, të ndryshuar.

Plani i Veprimit 2023-2025 është tërësisht në harmoni dhe në përputhje me objektivat strategjike të Strategjisë Kombëtare për Zhvillim dhe Integrim Evropian (SKZHIE III) 2021-2030, i cili është dokumenti kryesor strategjik kombëtar të zhvillimit të Shqipërisë dhe procesit të integritetit të saj në Bashkimin Evropian si dhe është në përmbushje të parashikimeve të Planit Kombëtar të Integritetit Evropian (PKIE) 2022-2024, kapitulli, 24, “Drejtësi, Liri dhe Siguri”, ndaj miratimi i këtij projektvendimi, do të plotësojë realizimin e angazhimeve të Ministrisë së Brendshme, si në nivel kombëtar dhe ashtu dhe në atë ndërkombëtar.

Ky dokument politik lidhet me Objektivin 16.a të Zhvillimit të Qëndrueshëm (OZHQ) i cili promovon shoqëri paqësore dhe gjithëpërfshirëse për zhvillim të qëndrueshëm, forcimin e institucioneve përkatëse kombëtare, duke përfshirë bashkëpunimin ndërkombëtar, për ndërtimin e kapaciteteve në të gjitha nivelet, veçanërisht në vendet në zhvillim, për të parandaluar dhunën dhe për të luftuar terrorizmin dhe krimin.

Projektvendimi i Këshillit të Ministrave synon miratimin e Planit të Veprimit 2023-2025 në zbatim të Strategjisë kundër Krimit të Organizuar dhe Krimeve të Rënda 2021-2025, pas përfundimit të afatit të zbatimit të Planit të Veprimit 2021-2022. Ky plan veprimi shërben si një instrument për të bashkërenduar të gjithë aktorët e interesuar shtetërorë dhe joshtetërorë, si dhe partnerët ndërkombëtarë që ndihmojnë e mbështesin vendin tonë në luftën kundër krimit të organizuar dhe krimeve të rënda.

Qëllimi i këtij projektvendimi është bashkërendimi, koordinimi dhe harmonizimi i përpjekjeve e nismave të të gjithë institucioneve dhe agjencive ligjzbatuese në vend, rekomandimeve të partnerëve dhe organizmave ndërkombëtare që veprojnë në fushën e krimit të organizuar, duke krijuar kuadrin e nevojshëm për bashkëpunim ndërmjet të gjithë aktorëve, përmes roleve e përgjegjësi të tyre institucionale. Qëllimi i hartimit të këtij dokumenti është orientimi i politikave dhe forcimi i qasjes gjithëpërfshirëse në parandalimin e kultivimit dhe trafikimit të lëndëve narkotike, pastrimit të parave, trafikëve të paligjshme, krimit kibernetik, krimeve mjedisore, parandalimit të përfshirjes së të rinjve dhe grupeve vulnerabël në krim të organizuar, nxitjen e kalimit të pronave të konfiskuara në pronësi të qeverisjes vendore për t’u përdorur për qëllime sociale etj.

Plani i Ri i Veprimit synon reflektimin e përgjegjësi të strukturave, agjencive dhe institucioneve që kanë përgjegjësi në luftën kundër krimit të organizuar dhe krimeve të rënda, mbi nevojat, problematikat që shtrihen situata aktuale e krimit të organizuar. Përmes këtij projektakti do të synohet gjithashtu edhe rritja e kapaciteteve hetimore, operacionale dhe e strukturave të posaçme në luftën kundër krimit të organizuar dhe krimeve të rënda, goditja e grupeve kriminale etj.

Dokumenti i Planit të Veprimit 2023-2025 është pasuruar me masa konkrete për realizimin e objektivave të Strategjisë kundër Krimit të Organizuar dhe Krimeve të Rënda 2021-2025, si dhe përcaktimin e mekanizmave implementues dhe koordinues, për adresimin apo parandalimin në kohë të fenomeneve të paligjshme në fushën e krimit të organizuar.

Plani i Veprimit 2023-2025, parashikon masa (lartpërmendur) që duhet të realizohen sipas afateve të përcaktuara në dokument, me qëllim realizimin e qëllimeve politike dhe objektivave specifike të parashikuara në Strategjinë kundër Krimit të Organizuar dhe Krimeve të Rënda 2021-2025, të ndryshuar.

Ky dokument ka si qëllim jetësimin dhe realizimin në kohë dhe më cilësi të 3 qëllimeve strategjike të SKKOKR 2021-2025, duke synuar uljen e kërcënimit dhe ndikimit të krimit të organizuar dhe krimeve të rënda, mbrojtjen e qytetarëve, institucioneve dhe ekonomisë, si dhe parandalimin e krimit të organizuar dhe krimeve të rënda, të cilat synohet të arrihen duke zbatuar masat nga institucionet përgjegjëse brenda afateve kohore të përcaktuara.

Plani i Veprimit 2023-2025 në zbatim të Strategjisë kundër Krimit të Organizuar dhe Krimeve të Rënda, i ndryshuar, synon arritjen e rezultateve nëpërmjet koordinimit me institucionet publike dhe agjencitë ligjzbatuese relevante në këtë fushë, më të mira të vendeve partnere, si dhe rekomandimet në procesin e integrimit evropian. Gjithashtu, synohet modernizimi i sistemeve dhe ndërlidhja e tyre, duke siguruar një shkëmbim të shpejtë në kohë të informacionit me agjencitë inteligjente dhe ato të hetimit në vend, por edhe me organizatat ndërkombëtare si INTERPOL, EUROPOL etj., për gjurmimin, hetimin dhe goditjen e grupeve kriminale.

Ndërkaq synohet përmbushja e rekomandimeve të progres-raporteve të Komisionit Evropian për zbatimin efektiv të Strategjisë kundër Krimit të Organizuar dhe Krimeve të Rënda. Gjithashtu, synohet reformimi i Policisë Kriminale, ngritja e strukturave të qëndrueshme, ndërtimi i platformës online për shitjen e pasurive të konfiskuara, si dhe nxitja e kalimit të objekteve të konfiskuara në pronësi të njërive të qeverisjes vendore me qëllim përdorimin si qëllime sociale.

Me qëllim realizimin e objektivave specifike të këtij Plani 2023-2025 institucionet përgjegjëse që ngarkohen me detyrime do të ndërhyjnë në fushat e mëposhtme:

1. Kuadri ligjor rregullator;
2. Kuadri institucional;
3. Procedurat;
4. Burimet njerëzore dhe trajnimi;
5. Infrastruktura dhe Pajisjet.

Pyetjet

Jeni të ftuar të jepni komentet dhe kontributet tuaja për të gjitha aspektet e projektvendimit të propozuar.

- Si i vlerësoni përcaktimet në projektvendim, mbi:

Miratimin e Planit të Veprimit 2023-2025 në zbatim të Strategjisë kundër Krimit të Organizuar dhe Krimeve të Rënda 2021-2025.

- A jeni dakord me parashikimet e përcaktuara në projektvendim, kryesisht për masat kryesore të parashikuara në Planin e Veprimit 2023-2025 në zbatim të Strategjisë Kundër Krimit të Organizuar dhe Krimeve të Rënda 2021-2025, të ndryshuar.